

## ՀԱՇՎԵՏՎՈՒԹՅՈՒՆ

### 2019 ԹՎԱԿԱՆԻ ԸՆԹԱՑՔՈՒՄ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ԵՎ ՀԱՆՐԱՊԵՏԱԿԱՆ ԳՈՐԾԱԴԻՐ ՄԱՐՄԻՆՆԵՐԻ ՀԱՐՑԵՐՈՎ ՎԱՐՉՈՒԹՅԱՆ ՀԱՄԱԿԱՐԳՄԱՆ ՈԼՈՐՏՈՒՄ ԳՏՆՎՈՂ ՀԱՐՑԵՐԻ ԱՌՆՉՈՒԹՅԱՄԲ ՀՀ ՎԱՅՈՑ ՁՈՐԻ ՄԱՐԶՊԵՏԻ ԿՈՂՄԻՑ ԻՐԱԿԱՆԱՑՎԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ

Հաշվետու ժամանակաշրջանում համագործակցված աշխատանքներ են տարվել տեղական ինքնակառավարման մարմինների և պետական կառավարման համակարգի մարմինների հետ:

Հետևողական միջոցներ են ձեռնարկվել մարզի համայնքների 2019 թվականի տարեկան աշխատանքային պլանների հաստատման ուղղությամբ: Մարզի 8 համայնքներում 2019 թվականի մարտի 31-ի դրությամբ սահմանված կարգով հաստատվել են 2019 թվականի տարեկան աշխատանքային պլանները, որոնք բխել են համայնքների զարգացման ծրագրերի 2019 թվականի համար նախատեսված միջոցառումներից:

2019 թվականին տարվել են աշխատանքներ «Տեղական ինքնակառավարման մասին» ՀՀ օրենքի պահանջների կատարման նպատակով ավագանու նիստերի հրավիրման ժամկետների պահպանման, ընդունված որոշումները օրենքով սահմանված ժամկետում մարզպետարան ներկայացնելու, որոշումները ՀՀ օրենսդրությանը համապատասխանեցնելու, ընդունված իրավական ակտերի և բյուջեների հրապարակայնությունն ապահովելու ուղղությամբ:

Համակարգվել է ՀՀ Սահմանադրությանը և ընթացիկ օրենսդրությանը հակասող մարզի տեղական ինքնակառավարման մարմինների կողմից ընդունված որոշումները մարզպետի պահանջով վերանայելու գործընթացը:

Համակարգվել են համայնքային բյուջեների կատարման ընթացքի վերաբերյալ համայնքների ղեկավարների կողմից ավագանուն տրված եռամսյակային հաղորդումների և տարեկան հաշվետվությունների տրման աշխատանքները:

Հետևողական աշխատանքներ են տարվել համայնքներում տեղական ինքնակառավարման մարմինների գործունեության հրապարակայնության ապահովման ուղղությամբ: Այդ նպատակով մարզի բոլոր համայնքներում տեղադրվել են ցուցատախտակներ, տեղեկատվական նյութերը տեղադրվել են համայնքների պաշտոնական կայքերում, որոնց միջոցով համայնքների ազգաբնակչությունը իրազեկվել է համապատասխան տեղական ինքնակառավարման մարմինների գործունեության վերաբերյալ:

2019 թվականին հետևողական աշխատանքներ են տարվել համայնքների ավագանիների դերակատարության ու պատասխանատվության բարձրացման ուղղությամբ: Նշված աշխատանքների շրջանակներում 2019 թվականի ընթացքում 3 համայնքի ղեկավար և 15 ավագանու անդամներ վերապատրաստվել են:

Համայնք-մարզպետարան իրականացված փոխհամագործակցության վերաբերյալ ՀՀ տարածքային կառավարման և ենթակառուցվածքների նախարարություն ներկայացվել են ամսեկան, եռամսյակային, կիսամյակային և տարեկան հաշվետվություններ:

Համաձայն ՀՀ տարածքային կառավարման և զարգացման նախարարի 21.12.2018 թվականի թիվ 364-Ա հրամանով հաստատված աշխատանքային ծրագրի և ՀՀ Վայոց ձորի մարզպետի 10.05.2019 թվականի թիվ 23 որոշման պահանջների 2019 թվականի մայիսի 13-ից 24-ը իրավական և մասնագիտական հսկողություն է իրականացվել ՀՀ Վայոց ձորի մարզի Գլաձոր համայնքում:

Համաձայն ՀՀ տարածքային կառավարման և զարգացման նախարարի 21.12.2018 թվականի թիվ 364-Ա հրամանով հաստատված աշխատանքային ծրագրի և ՀՀ Վայոց ձորի մարզպետի 09.08.2019 թվականի թիվ 40 որոշման պահանջների 2019 թվականի սեպտեմբերի 19-ից 30-ը իրավական և մասնագիտական հսկողություն է իրականացվել ՀՀ Վայոց ձորի մարզի Եղեգիս համայնքում:

Համաձայն ՀՀ տարածքային կառավարման և զարգացման նախարարի 21.12.2018 թվականի թիվ 364-Ա հրամանով հաստատված աշխատանքային ծրագրի և ՀՀ Վայոց ձորի մարզպետի 04.11.2019 թվականի թիվ 50 որոշման պահանջների 2019 թվականի նոյեմբերի 19-ից 30-ը իրավական և մասնագիտական հսկողություն է իրականացվել ՀՀ Վայոց ձորի մարզի Արենի համայնքում:

Իրականացված իրավական և մասնագիտական հսկողության արդյունքում հայտնաբերված թերությունների վերաբերյալ կազմվել են արձանագրություններ:

Հսկողության ժամանակ արձանագրվել են թերություններ և բացթողումներ <<Տեղական ինքնակառավարման մասին>> , <<Համայնքային ծառայության մասին>>, <<Նորմատիվ իրավական ակտերի մասին>>, <<Տեղական տուրքերի և վճարների մասին>>, <<Թափոնների մասին>>, <<Արտակարգ իրավիճակներում բնակչության պաշտպանության մասին>>, <<Քաղաքացիական պաշտպանության մասին>>, <<Քաղաքաշինության մասին>>, <<Բյուջետային համակարգի մասին>> ՀՀ օրենքների, ՀՀ Հողային օրենսգրքի, ՀՀ կառավարության մի շարք որոշումների և ՀՀ կառավարության կողմից լիազորված պետական կառավարման մարմինների ղեկավարների կողմից ընդունված մի շարք հրամանների պահանջների կատարման ուղղությամբ:

Թերությունների և բացթողումների վերաբերյալ սահմանված կարգով կազմվել են արձանագրություններ, քննարկվել և սահմանվել են ժամկետներ թերությունների վերացման ուղղությամբ:

Կազմված արձանագրությունները և հայտնաբերված խախտումները սահմանված ժամկետում ներկայացվել են ՀՀ տարածքային կառավարման և ենթակառուցվածքների նախարարություն և տեղադրվել են մարզպետարանի պաշտոնական կայքում:

2019 թվականի ընթացքում համակարգվել է համայնքապետարանների աշխատակազմերի համայնքային ծառայության թափուր պաշտոնների մրցույթների հայտարարման գործընթացը:

Մարզի համայնքներում 2019 թվականի ընթացքում համայնքային ծառայության 26 թափուր պաշտոնների համար հայտարարվել են մրցույթներ, որոնց արդյունքում համալրվել է 18 պաշտոն:

2019 թվականի ընթացքում 17 համայնքային ծառայողներ վերապատրաստվել են:

2019 թվականի դեկտեմբերի 31-ի դրությամբ համայնքային ծառայության պաշտոնների թիվը 143 է:

Հաշվետու ժամանակաշրջանում համագործակցված աշխատանքներ են տարվել տեղական ինքնակառավարման մարմինների ընտրությունների կազմակերպման ուղղությամբ.

Համակարգվել է 2019 թվականին փետրվարի 17-ին Մալիշկա համայնքի ղեկավարի արտահերթ ընտրությունների գործընթացը: Իրականացվել է ընտրությունների նախապատրաստման, կազմակերպման և անցկացման աշխատանքների նկատմամբ վերահսկողություն:

Հաշվետու ժամանակաշրջանում կազմակերպվել են մարզպետի այցելություններ մարզի համայնքներ: Համակարգվել են այցելությունների ընթացքում բարձրացված խնդիրների լուծման ուղիների հստակեցման աշխատանքները:

2019 թվականի ընթացքում աշխատանքային պլաններին համաձայն և ըստ անհրաժեշտության առողջ համագործակցություն է ապահովել պետական կառավարման համակարգի մարմինների տարածքային ստորաբաժանումների հետ:

Համագործակցելով ՀՀ արտակարգ իրավիճակների նախարարության փրկարար ծառայության Վայոց ձորի մարզային վարչության հետ՝ նախապատրաստվել և ՀՀ արտակարգ իրավիճակների նախարարի համաձայնեցմանն է ներկայացվել ՀՀ Վայոց ձորի մարզի բնակչության պաշտպանության և քաղաքացիական պաշտպանության համակարգերի նախապատրաստման 2019 թվականի հիմնական միջոցառումների պլանը հաստատելու մասին>> ՀՀ Վայոց ձորի մարզպետի որոշման նախագիծը:

ՀՀ ոստիկանության Վայոց ձորի մարզային վարչության հետ համատեղ 2019 թվականի համար մշակվել է ոստիկանության մարզային վարչության և ՀՀ Վայոց ձորի մարզպետարանի ղեկավար կազմի հետ հանդիպումների պլան գրաֆիկ: Վերոնշյալ գրաֆիկի համաձայն 2019 թվականի մարտի 29-ին, հունիսի 28-ին, սեպտեմբերի 27-ին և դեկտեմբերի 26-ին մարզպետարանի ղեկավար կազմի և ոստիկանության աշխատակիցների հետ կայացել է հանդիպում, որտեղ ոստիկանության կողմից տրվել է հաղորդում իրականացված աշխատանքների վերաբերյալ:

**ՏԻ և ՀԳՄ հարցերով վարչություն**  
**10.01.2020թ.**